

শিক্ষক নিয়োগে রাবি উপ-উপাচার্যের ফোনালাপ ফাঁসে তোলপাড়

স্টাফ রিপোর্টার, রাজশাহী/ রাবি সংবাদদাতা || রাজশাহী বিশ^বিদ্যালয়ের (রাবি) শিক্ষক নিয়োগে উপ-উপাচার্য চৌধুরী মোঃ জাকারিয়ার সঙ্গে এক চাকরি প্রত্যাশীর স্ত্রীর সঙ্গে আর্থিক লেনদেন সংক্রান্ত একটি ফোনালাপ ফাঁস হয়েছে। সোমবার রাতে ওই ফোনালাপ ফাঁস হওয়ার পর ক্যাম্পাসে তোলপাড় সৃষ্টি হয়েছে। এদিকে উপ-উপাচার্যের জামাতাকে নিয়োগদান, নিয়োগে দুর্নীতি ও অনিয়মের অভিযোগ তুলে উপাচার্য ও উপ-উপাচার্যের অপসারণেরও দাবি উঠেছে বিশ^বিদ্যালয়ের শিক্ষক ও শিক্ষার্থী মহলে।

তবে ওই ফোনালাপ সম্পাদনা করে ‘উদ্দেশ্য প্রণোদিতভাবে’ সংবাদ তৈরি করা হয়েছে বলে উপ-উপাচার্য চৌধুরী মোঃ জাকারিয়া দাবি করেন। এই প্রসঙ্গে মঙ্গলবার দুপুরে তিনি একটি প্রতিবাদলিপিও পাঠিয়েছেন। তাতে তিনি দাবি করেন, ‘হুদা (চাকরিপ্রত্যাশী) অসাধু কিছু ব্যক্তির কবলে পড়ে আর্থিক লেনদেনে জড়িয়ে পড়েছে।’ ‘স্থানীয় অভিভাবক হিসেবে এমন অসাধুকর্ম রোধকল্পে খোঁজ নেয়ার জন্য হুদার স্ত্রীকে ফোন দিয়েছিলাম।’

ফাঁস হওয়া ওই ফোনালাপ থেকে জানা যায়, সাদিয়া নামের ওই চাকরি প্রত্যাশীর স্ত্রীকে ফোনে নিজের পরিচয় দিয়ে উপ-উপাচার্য চৌধুরী মোঃ জাকারিয়া আর্থিক লেনদেনের বিষয়ে জানতে চান। এক পর্যায়ে তিনি সাদিয়াকে প্রশ্ন করেন, ‘তোমরা কয় টাকা দেয়ার জন্য রেডি?’ পরে আবার তিনি বলেন, ‘সত্যি কথাই তো বলবা। উপরে আল্লাহ তায়াল্লা, নিচে আমি।’ উত্তরে সাদিয়া বলেন, ‘অবশ্যই অবশ্যই। স্যার আপনি যেহেতু তার অবস্থা জানেন। আরেকটা বিষয় এখানে স্যার, সেটা হচ্ছে আপনি হুদার... মানে, এমনিতে সে কতটা স্ট্রিক্ট... আপনি বোধ হয় এটাও জানেন স্যার, একটু রগচটা ছেলে।’ এর পরেই উপ-উপাচার্য বলেন, ‘আচ্ছা রাখো রাখো, এখান থেকে কথা বলা যাবে না।’ এরপর তিনি ফোন কেটে দেন।

সূত্রে জানা যায়, ওই চাকরি প্রত্যাশী বিশ^বিদ্যালয়ের আইন বিভাগের ২০১০-১১ শিক্ষাবর্ষের শিক্ষার্থী মোঃ নুরুল হুদা। আইন বিভাগে সেরা ফল অর্জন করায় ২০১৭ সালে তিনি বিশ^বিদ্যালয় স্বর্ণপদক ও ২০১৮ সালে প্রধানমন্ত্রী স্বর্ণপদক লাভ করেন। তার বাড়ি লালমনিরহাট জেলায় উপ-উপাচার্য চৌধুরী মোঃ জাকারিয়ার এলাকায়। সম্প্রতি আইন বিভাগে উপ-উপাচার্য চৌধুরী মোঃ জাকারিয়ার জামাই, আওয়ামী লীগ নেতার মেয়েসহ ৩ প্রভাষককে নিয়োগ দেয়া হলেও নিয়োগ পাননি স্বর্ণপদক প্রাপ্ত সাবেক এই শিক্ষার্থী।

আইন বিভাগে খোঁজ নিয়ে জানা যায়, বিভাগের ৩টি প্রভাষক পদে গত বছর ১৩ নবেম্বর নিয়োগ পরীক্ষা অনুষ্ঠিত হয়। ১৭ নবেম্বর সিন্ডিকেট সভায় ৩ জনকে নিয়োগ দেয়া হয়। এই ৩ প্রভাষকের মধ্যে একজন উপ-উপাচার্য চৌধুরী মোঃ জাকারিয়ার জামাতা সাইমুম তুহিন, আওয়ামী লীগের কেন্দ্রীয় কমিটির সদস্য নুরুল ইসলাম ঠান্ডুর মেয়ে নুর নুসরাত সুলতান ও রাবির আইন বিভাগের ২০১১-১২ শিক্ষাবর্ষের শিক্ষার্থী বনশ্রী রানী। এদিকে ফোনালাপটি সোমবার গভীর রাতে সামাজিক মাধ্যমে ছড়িয়ে পড়লে তীব্র সমালোচনা সৃষ্টি হয়। উপ-উপাচার্যের জামাইকে নিয়োগ, ফোনালাপ ফাঁস, উপাচার্যের ‘জয় হিন্দ’ স্লোগান নিয়ে তোলপাড় সৃষ্টি হয়। নিয়োগে অনিয়ম ও দুর্নীতির অভিযোগ তুলে উপাচার্য ও উপ-উপাচার্য অপসারণের দাবি তুলেছেন একাধিক শিক্ষক ও শিক্ষার্থী। এই দাবিতে মঙ্গলবার সন্ধ্যায় মশাল মিছিল করবে বলে জানিয়েছে প্রগতিশীল ছাত্রজোটের নেতৃবৃন্দ। এই বিষয়ে রাকসু আন্দোলন মঞ্চের সমন্বয়ক ও সাবেক শিক্ষার্থী আব্দুল মজিদ অন্তর বলেন, আমরা ভাবতাম, অন্য বিশ^বিদ্যালয়ের মতো রাবিতে দুর্নীতি হয় না। কিন্তু ফোনালাপ ফাঁসের পর আমরা হতাশ। এর মধ্য দিয়ে উপাচার্য ও উপ-উপাচার্য নিজেদের পদে থাকার যোগ্যতা হারিয়েছেন। আমরা তাদের অপসারণ দাবি করি।

সাবধানবাণী: বাণিজ্যিক উদ্দেশ্যে এই সাইটের কোন উপাদান ব্যবহার করা সম্পূর্ণভাবে নিষিদ্ধ এবং কপিরাইট আইনে দণ্ডনীয় অপরাধ।

সম্পাদক, মুদ্রাকর ও প্রকাশক: মোহাম্মদ আতিকউল্লাহ খান মাসুদ (এম এ খান মাসুদ), উপদেষ্টা সম্পাদক: তোয়াব খান। সম্পাদক কর্তৃক গ্লোব জনকন্ঠ শিল্প পরিবার-এর সদস্য প্রতিষ্ঠান যথাক্রমে গ্লোব প্রিন্টার্স লিঃ ও জনকন্ঠ লিঃ ঢাকা থেকে মুদ্রিত ও প্রকাশিত। রেজিঃ নং ডিএ ৭৯৬।

কার্যালয়: জনকন্ঠ ভবন,
২৪/এ রাশেদ খান মেনন সড়ক, নিউ ইস্কাটন,
জিপিও বাক্স: ৩৩৮০, ঢাকা।

ফোন: ৯৩৪৭৭৮০-৯৯ (অটোহাণ্ডিং ২০ টি লাইন),
ফ্যাক্স: ৯৩৫১৩১৭, ৮৩১৬৩৩৫
ই-মেইল: janakanthanews@gmail.com
ই-জনকন্ঠ: www.edailyjanakantha.com

আঞ্চলিক কার্যালয় (চট্টগ্রাম): মান্নান ভবন (দোতলা),
১৫৬ নুর আহমদ সড়ক (জুবিলী রোড), চট্টগ্রাম,

Copyright © All rights reserved by dailyjanakantha.com